

資治通鑑

續編

宋紀
卷三十六
主五十二

續資治通鑑卷第三十八

賜進士及第兵部尚書兼都察院右都御史總督兩湖等處地方軍務兼理糧軍詳舊作詳大延琳因之為編集

宋紀三十八

起居維大荒落八月盡元默
淵雅十二月凡三年有奇

仁宗體天法道極功全德神文聖武睿哲明孝皇帝

天聖七年

遼太平九年

八月丁亥朔日有食之

改異遼史不書
日食今從宋史

詔罷天下職田官收其冊中附於遼無權酤鹽麴之者言

職田有無不均吏或不良往往多收以殘細民命資政殿學士晏殊與三司審燕地荐饑戶部副使王嘉獻皆以
為然故有是詔 己丑以呂夷簡為昭文館大學士 辛卯夏竦復為樞密副使陳堯佐王曙並參知政事樞密

使張耆改山南東道節度使竦與夷簡不相悅故以堯佐易之 初渤海自神冊中附於遼無權酤鹽麴之稅寬

弛關市之征渤海安之自馮延修韓紹勳以燕地平州之法繩之民不堪命會燕地荐饑戶部副使王嘉獻策遣

船使其民漕粟以賑之水路艱險多至覆沒鞭扑撈掠民怨思亂東京舍利軍詳舊作詳大延琳因之為變遂囚

留守駙馬都尉蕭孝先及南陽公主殺紹勳嘉以悅眾僭號興遼改元天慶時遼主駐黑嶺副留守王道平逾城

走告變即徵諸道兵以時進討時國舅詳舊作詳衰蕭實迪舊作匹敵今改先率本管兵據要害絕其西渡延琳以書結保州戍

主夏行美使率渤海軍為亂行美執其人送統軍耶律普古舊作蒲古今改普古遂殺渤海兵八百人入據保州斷其東

路延琳分兵西取瀋州副使張傑聲言欲降延琳信之不急攻既知其詐攻之守禦已備不克而還南北女真皆

從延琳高麗貢使亦不至改異東國通鑑云契丹東京將軍大延琳遣大府丞高吉德告建國兼求援延琳渤海始祖大祚榮七世孫也國號

耳之月冬十月丙戌朔遼以南京留守燕王蕭孝穆為都統蕭實迪副之蕭普努舊作蒲奴今改為都監討延琳遇賊蒲水

中軍少卻普努將右翼實迪將左翼夾攻之先據高麗女真要衝使不得求援賊潰追敗之於平山北普努不介馬而馳追殺餘賊已而大軍圍東京普努討諸叛邑平吼山賊延琳深溝自衛固守不敢出十一月癸亥冬至帝率百官上皇太后壽於會慶殿遂御天安殿受朝祕閣校理范仲淹疏言天子有事親之道無爲臣之禮有南面之位無北面之儀若奉親於內而行家人禮可也今顧與百官同列虧君體損主威不可爲後世法疏入不報又疏請太后還政亦不報遂乞補外尋出爲河中府同判

放異六一居士集范文正神道碑謂太后將以至日大會前殿上率百官上壽因仲淹言而事遂已杜大圭名臣集載富弼撰仲淹墓碑亦云疏奏言之而不見者耳碑文俱誤今從長編

丙寅遼以張傑爲瀋州節度使超授保州戍將夏行美平章事召皇城進士張人

紀等二十二人入朝試以詩賦皆賜第壬申遼以駙馬都尉劉四端權知宣徽南院十二月庚寅以知制誥

李仲容判禮部故事茂才吳等高蹈邱園沈淪草澤三科所上策論先委禮部考核以聞乃得召試時直史館康

孝基判禮部定富弼等十人帝改命仲容而以孝基同判仍取弼等策論覆較之弼河南人也辛亥以左司諫

龍圖閣待制孔道輔知鄆州坐糾察刑獄不當也道輔嘗極論曹利用羅崇勳弄權時利用死而崇勳猶委任云

八年遼太平十年春正月丙寅命資政殿學士晏殊權知禮部貢舉甲戌眞定府定州路都部署彰武節度使曹瑋

卒贈侍中諡武穆瑋爲將不如其父寬然用士得死力平居意氣舒緩及行師多奇計出入神速一日張樂飲僚

吏中坐失瑋所在明日徐出視事賊首已擲庭下矣將兵幾四十年未嘗少失利眞宗遇邊奏必手詔詰難至十

數反而瑋守初議卒無以奪開邊釁率令深廣丈五尺山險不可墜者因其峭絕治之使足以限敵後皆以爲法

臨淄人賈同嘗造瑋瑋欲案邊邀與俱同問從兵安在曰已具旣出就騎見甲士三千環列初不聞人馬聲同歸

語人曰眞名將也王欽若方貴盛聞同名欲致之固辭不往久之始同判兗州天聖初上書言自祥符已來諫諍

路塞丁謂乘間造符瑞以欺先帝今謂姦既白宜明告天下正符瑞之謬使先帝免後世之議又言寇準忠規竊節宜還之內地時太后臨朝而同言如此人以爲難再遷知棣州卒 集賢校理華陽彭乘懇求便親詔乘知普

州蜀人得鄉郡自乘始普人鮮知學者乘爲興學召其子弟爲生員教育之俗遂以變 辛巳作會聖宮於西京

永安縣

攷異長編正三聖宮今從宋史仁宗紀

二月戊子詔五代時官三品以上告身存者子孫依蔭律叙蔭仍須得保官三人御史

臺主簿竟州石介上疏以爲不可坐罷 遼主如龍化州 三月甲子御崇政殿試禮部奏名進士丙寅試諸科

丁卯賜進士咸平王拱壽等二百人及第四十九人同出身已已賜諸科及第同出身者又五百七十三人詔更

拱壽名曰拱辰 壬申幸後苑賞花釣魚每歲從官賦詩或預備及是不意坐多窘者優人以爲戲左右皆大

笑翼日盡取詩付中書第其優劣祕閣校理韓義所賦獨鄙惡落職同判冀州 乙亥詔宗室嫁女擇士族之有

行義者敢以財帛爲昏御史臺街司察舉之 以度支副使刑部郎中錢唐肅爲龍圖閣待制肅清直廉儉恬

於仕進在度支會羅麥京師數且足有豪姓欲入官數十萬石因權倖以干掖庭太后面命肅肅曰麥貯倉率不

過二歲多則腐朽不可食況撓法邪卒不受嘗知洪州艤舟南康不卽赴或問之肅曰職田以四月爲限今遽往

得無趨利之譏乎逾月乃上 三司以方建太一宮及洪福等院市材木於陝西同判河中府范仲淹言昭應壽

寧天戒不遠今復侈土木破民產非所以順人心合天意也尋徙陳州又言恩倖多以內降除官非太平之政願

以上官賀婁爲戒事雖不行帝嘉其忠 遼都統蕭孝穆圍東京去城五里四面築城堡起樓櫓使內外不相通

駙馬蕭孝先及南陽公主旣爲大延琳所囚聞遼師至孝先與其妹穴地逃出公主在後爲守陴者所覺遇害公

主遼主之第四女也

攷異史公主表南陽公主下嫁蕭孝先本紀先書蕭馬都尉蕭孝先後書駙馬延琳本紀互舉其名字也今從表

夏四月遼主如乾陵以耶律行平爲廣平軍

節度使以夏行美爲中順軍節度使 五月戊申遼主清暑柏坡 甲寅賜信州龍虎山張道陵二十五世孫乾

曜號虛靖先生

攷異宋史作澄素先生王氏續鑑從之今據長編作虛靖

以其孫見素爲試將作監主簿仍令世襲先生號蠲其租課 六月癸巳監

修國史呂夷簡等上新修國史於崇政殿故事史成監修而下進秩夷簡固辭之 乙巳御崇政殿試書判拔萃

及武舉人武舉法先閱騎射而試之以策爲去留弓馬爲高下每遇制舉則試焉 戊申以書判拔萃人宣州司

理參軍曲江余靖爲將作監丞知海陽縣安德節度推官河南尹洙爲武勝節度掌書記 秋七月丁巳詔修國

朝會要 丙子策制舉人御崇政殿策試賢良方正能直言極諫太常博士成都何詠茂才異等富弼詠弼對策

並及第四等丁丑以詠爲祠部員外郎同判永興軍賜五品服弼爲將作監丞知長水縣 壬午遼詔來歲行貢

舉法 八月戊子詔流配人道死者其妻子給食送還鄉里 遼東京被圍既久城中撤屋以爨戊申賊將楊詳

世密送款夜開南門納遼軍禽大延琳渤海平駙馬大力秋坐延琳事伏誅 九月丙辰罷百官轉對自復轉對

言事者頗衆大臣不悅故復罷之 乙丑樞密副使姜遵卒 劉美家婢出入禁中大招權利樞密直學士刑部

侍郎趙稹厚結之己巳擢樞樞密副使命未出人馳告稹稹問曰東頭西頭蓋意在中書也世傳以爲笑 宋初

鹽利皆歸縣官其解池引水而成者曰顆鹽淮浙蜀廣煮海井鹹而成者曰末鹽初皆通商貿易咸平中梁鼎請

官自鬻解鹽未幾以公私煩擾復舊商販帝初卽位置計置司議茶鹽利害茶法變貼射而鹽則官自鬻利微而

害博兩池積鹽爲阜其上生木合抱選人王景上言請通商平估以售少寬百姓之力太后以爲然命盛度王隨

議更其制隨與權三司使胡則畫通商五利上之曰方禁商時伐木造船以給輦運而兵民罷勞不堪其命今去

其弊一利也始以陸運既差帖頭又役車戶貧人懼役連歲遁逃今悉罷之二利也舟運有沈溺之患綱吏侵盜

雜以泥沙硝石其味苦惡疾生重髓今皆得其真鹽三利也國之錢幣謂之貨泉蓋欲使之流通而富室大家多藏鏹不出故民用皆感今歲得商人六十餘萬頗助經費四利也歲減鹽官兵卒哇夫傭作之給五利也冬十月丙申詔罷三京二十八州軍權法聽商賈入錢若金銀京師權貨務給鈔受鹽於解池而申私販鬻之禁詔下蒲解之民皆作感聖恩齋自是雖賈商流行而歲課之入官者耗矣 壬寅置天章閣待制位龍圖閣待制之下命鞠詠范諷爲之 是月遼主駐長寧淀 十一月丙寅朝饗景靈宮丁卯饗太廟戊辰合祀天地於圜丘大赦賀皇太后於會慶殿 辛亥遼都統蕭孝穆等自東京凱旋戎服入見遼主賜宴勞之翼日封孝穆爲東平王賜佐國功臣號駙馬蕭實迪封蘭陵郡王蕭普努加侍中以蕭惠爲南京統軍使尋以孝穆爲東京留守東京殘破之後孝穆撫納流民爲政務寬簡民安之遼主詔渤海舊族有勳勞材力者敘用餘分居來隰遷閭等州 十二月癸未加恩百官 壬辰以雷州司戶參軍丁謂爲道州司戶參軍 丁未定難節度使西平王趙德明遣使來獻馬七十匹乞賜佛經一藏從之 是歲河中府同判范仲淹上疏請太后復辟其略曰陛下擁護聖躬聽斷大政日月持久今皇帝春秋已盛睿哲明聖握乾綱而歸坤紐非黃裳之吉象也豈若保慶壽於長樂卷收大權還上眞主以享天下之養疏入不報 高麗來貢

九年遼太平十一年六月收景福元年春正月丙辰長寧節百官初上皇太后壽於會慶殿 己未龜茲國沙州並遣使貢方物庚申

資政殿學士晏殊言占城龜茲沙州邛部川蠻夷往往有挈家入貢者請如先朝故事委館伴使詢其道路風俗及繪人物衣冠以上史館從之 辛酉以刑部尙書知許州張士遜爲定國節度使檢校太傅時士遜朝京師翼復入相天章閣待制鞠詠奏曰曹利用擅作威福士遜與之親厚援引至相位陛下特以東宮僚屬用之臣願割

舊恩伸公議趣使之藩士遜乃赴許州 丁卯以祠部員外郎晁宗慤爲知制誥宗慤迴子也宋綬嘗謂自唐以

來唯楊於陵身見其子嗣復繼掌書命今始有晁氏焉 辛未錢惟演改判河南府惟演託病久留京師既除陳

州遷延不赴且圖相位天章閣待制范諷奏曰惟演嘗爲樞密使以皇太后姻屬罷之示天下不私今不可復用

殿中侍御史須城郭勸亦催督惟演上道惟演自言先隴在洛陽願司宮鑰遂命惟演守河南促其行 翰林學

士盛度請其子奉禮郎中甫於館閣讀書從之 二月癸巳詔復職田 三月壬子禮部員外郎天章閣待制鞠

詠卒 賜青州州學九經從王曾之請也自是州郡當立學者皆得賜書 遼主自春初如混同江旋如長春河

遼主末年得消渴疾語多忌諱凡死亡者左右侍臣俱不得言及之至是增劇 夏四月戊寅詔以隴州論平民

五人爲劫盜抵死主者雖更赦並從重罰 五月乙丑錄囚 遼境諸河以大雨橫流失其故道 六月遼主疾

大漸驛召東京留守蕭孝穆上京留守蕭孝先及左丞相張儉使輔立太子誠無失南朝信誓己卯遼主殂於大

斧河之行宮年六十一諡曰文武大孝宣皇帝廟號聖宗聖宗守約甚堅未嘗稍啟邊隙在位四十九年理冤滯

舉才行察貪殘抑奢僭錄死事子孫振諸部貧乏責近臣迎合卻高麗女樂在遼諸帝中號爲令主及殂太子卽

位改元景福初聖宗知元妃與皇后有隙病中屬太子曰皇后事我四十年以其無子故命汝爲嗣我死汝母子

切無殺之元妃聞之恚益甚聖宗疾革元妃冒皇后曰老物寵亦有既邪令左右扶后出聖宗遺詔以皇后爲皇

太后元妃爲皇太妃元妃匿之自尊爲皇太后攝國政太后既得志引蕭孝先與密謀欲搆后以罪以駙馬蕭實

迪爲皇后所喜深忌之秦晉公主竊聞其謀告實迪曰爾將無罪被戮與其死曷若奔女真以全其生實迪曰朝

廷詎肯以飛語害忠良實死弗適它國會護衛馮嘉努嘉努作馮家帳下醫耶律喜喜作喜孫今改希有上變誣北府宰相蕭

綽布舊作泥
下今改及實迪謀逆欲奉皇后攝政徐議當立者太后命鞫治之辛丑太后誅綽布實迪及其黨七人獄詞連

及皇后遼主聞之曰皇后侍先帝歷有歲年撫育眇躬當爲太后今不果反罪之可乎太后曰此人若在恐爲後

患遼主曰皇后無子而老雖在無能爲也太后不從卒載以小車囚之上京時遼臣懼太后威無敢言者樞密使

蕭朴獨上書曰皇后之誣不報朴感憤至於嘔血攷異遼史蕭孝先傳云興宗諒陰欽哀試仁德皇后孝先與蕭從下蕭匹敵謀居多泥
下今譯作綽布匹敵今譯作實迪俱以皇后之懿親見忌於欽哀致無罪而死乃謂其

蕭孝先同預密謀則誣甚矣興宗紀云皇太后賜贈馬蕭組不里蕭匹敵死圍場都太師女直著骨里與孝先同預密謀則誣甚矣興宗紀云皇太后賜贈馬蕭組不里蕭匹敵死圍場都太師女直著骨里
侯郎君詳穆蕭延留等七人皆葉市籍其家遷齊天皇后於上京與實迪傳同今從之組不里即泥下也

朝七日在京及河北河東緣邊亦禁音樂七日遣使祭奠弔慰及賀卽位 秋七月丙午朔遼太后率皇族大臨

於太平殿高麗遣使弔慰遼主召晉王蕭普古等飲博夜分乃罷 遼奉陵軍節度使耶律吉實舊作乞
石今改來告哀帝

爲成服於內東門之幄殿向其國哭五舉音而止皇太后舉哭如上儀遣近臣詣館弔慰常服黑帶繫鞵不佩魚

丁未遼主擊鞠庚戌遼賑薊州饑乙卯遼以比歲豐稔罷給東京統軍司糧丁巳遼主謁聖宗御容哀慟久之

因命寫北府宰相蕭孝友南府宰相蕭孝穆象於御容殿 戊午命孔道輔爲賀遼太后冊禮使遼太后冊禮使

自此始 壬申遼主謁神主帳時奧隈蕭氏始入宮亦命拜之 癸酉以翰林侍講學士兵部侍郎孫奭爲工部

尙書知兗州奭三請致仕召對承明殿敦諭之奭以年逾七十固請泣下帝亦惻然詔與馮元講老子三章各賜

帛二百匹以不得請求近郡故優拜焉仍詔須宴而後行 甲戌右正言陳執中罷度支判官諫院供職是時諫

議大夫司諫正言皆不任諫職須別降敕赴諫院者乃曰諫官 八月丁丑太子少保致仕馬亮卒贈右僕射亮

有智略敏於政事然所至無廉稱及卒以壻呂夷簡在相位得諡忠肅人不以爲然 權知開封府寇瑊卒瑊初

附丁謂故早達及謂敗左遷鬱鬱不自得祕書丞彭齊賦喪家狗以刺之 九月戊申遼主親視慶陵 己巳以

右諫議大夫程琳爲給事中權知開封府王蒙正子齊雄捶老卒死琳令有司驗狀蒙正連姻太后太后因琳入對謂曰齊雄非殺人者乃其奴嘗捶之耳琳曰奴無自專理且使令與己犯同太后默然遂論如法 庚午以吏

部尙書知天雄軍王曾爲彰德節度使仍知天雄軍遼使者往還斂車徒而後過無敢譁者人樂其政爲畫像而生祠之 甲戌遼遣使來謝弔慰 冬十月戊寅遼宰臣呂德懋卒 己卯以翰林學士宋綬爲龍圖閣學士知

應天府時太后猶構制五日一御承明殿垂簾決事而帝未始獨對羣臣也綬言宜約唐先天中制度令羣臣對前殿非軍國大事及除拜皆前殿取旨書上忤太后意故命出守侍御史劉隨殿中侍御史郭勸並言綬有詞學當留於朝不聽 丙戌下詔申儆庶官因侍御史知雜事劉隨請也其略曰比者搢紳之間名節罔勵矜勞者掠美以近名希進者行險以徼寵分屏翰者或奏請之靡厭任按察者或寬縱之爲得貪而無恥故務營私老而非材曾不知退用稽彝訓申儆羣倫苟少冒於官箴將自投於公憲 遼遣使來致其先主遺物己酉遣使來謝賀

卽位及太后冊禮 閏月辛亥遼有司請以遼主生辰爲永壽節太后生辰爲應聖節從之辛酉遼主闋新造鑑

甲 癸亥以鹽鐵副使趙州王讓爲天章閣待制初馬季良建言京師賈人常以賤價居茶鹽取引請官置務收市之季良方用事有司莫敢逆其意讓獨不可曰與民競利豈國體邪事遂寢 丁卯遼賑黃龍府饑 戊辰知

兗州孫奭陞辭曲宴太清樓召太子少保致仕晁迥及近臣皆預翼日奭入謝又命講老子賜襲衣金帶鞍勒馬及行賜宴瑞聖園又賜詩詔近臣皆賦 十一月辛巳徙三館於崇文院先是三館祕閣在左掖門內左昇龍門

外大中祥符八年大內火權寓右掖門外至是修崇文院成復徙之 丙申遼葬文武大孝宣皇帝於慶陵初耶律資忠爲聖宗所信任以忤權貴出爲昭德節度使至是表請會葬既至伏梓宮大慟曰臣幸遇聖明橫被讒譖

不獲盡犬馬之報氣絕而蘇遼主命醫治疾久之言國舅孝先無憂國之心陛下不當復用唐景福年號於是用事者惡之遣歸鎮尋卒 丁亥馳兩川讐禁 十二月癸丑遼主至自慶陵太后聽政遼主不親庶務羣臣表請遼主不從 甲寅詔吏部銓選人父母年八十以上者權注近官 是歲遼封李德明子元昊爲夏國公以興平公主歸之

明道元年遼重熙元年春正月壬申朔遼太后御正殿受遼主與羣臣朝 乙亥以知江陵府會稽杜衍爲河北都轉運

使初命衍守荆南殿中侍御史郭勸言衍清直當留中朝不聽會河北乏軍費乃命衍往經度之不加賦於民而用足 丁丑遼主如雪林 癸巳詔案舉官奏劾所部官吏而反爲所訟者自今無得受理 二月癸卯監修國

史呂夷簡上三朝寶訓三十卷 庚戌以知許州定國節度使張士遜爲刑部尙書同中書門下平章事 丁卯

以真宗順容李氏爲宸妃是日宸妃薨攷異李賢謂宸妃之號前此未見恐是刑置而張湜雲谷雜記辨之引唐武后紀高宗立武氏爲昭儀進號宸妃又來濟傳武后被寵特號宸妃濟與韓瑗諫云妃有常員今別立號不可謂宸妃之號

撤於唐高宗明憲之封章懿蓋據於此援引甚當今采附於下妃始生帝皇太后卽以爲己子帝卽位逾十年妃默處先朝嬪御中未嘗自異人畏太后

亦無敢言者終太后世帝不自知妃所出也疾革乃進位年四十六始宮中未治喪宰相呂夷簡朝奏事因曰聞

有宮嬪亡者太后震然曰宰相亦預宮中事邪引帝偕起有頃獨坐簾下召夷簡問曰一宮人死相公何與夷簡

曰臣待罪宰相內外事無不當預太后怒曰相公欲離間我母子邪夷簡曰太后不以劉氏爲念臣不敢言尙念

劉氏則喪禮宜從厚太后悟遽曰李宸妃也且奈何夷簡乃請治喪皇儀殿用一品禮殯洪福寺又謂內侍羅崇

勳曰宸妃當以后服殯用水銀實棺有司希太后旨言歲月未利時有詔欲鑿宮城垣以出夷夷簡遽求對太后

揣知其意遣崇勳問之夷簡言鑿垣非禮喪宜自西華門出太后復遣崇勳曰豈意卿亦如此夷簡曰臣位宰相

理當廷爭太后不許臣終不退崇勳三反太后猶不許夷簡正色謂崇勳曰宸妃誕育聖躬而喪不成禮異日必有受其罪者莫謂夷簡今日不言也崇勳懼馳告太后乃許之攷異李藩曰璽垣事據魏泰東齊記事宸妃以二月二十六日薨

井書二月壬申朔遼命尙父漆水郡王迪禮復作敬烈今改復爲特里袞舊作惕隱今改遼太后自攝政卽追封其曾祖爲蘭陵

王父爲齊王諸弟皆王之蕭氏奴爲團練防禦觀察節度使者至四十餘人燕民無賴者多占名樂工爲蕭氏奴

戊子始行天聖編敕太常博士安邱明鎬初爲蘄州幕職知州鄧餘慶貪暴不法州事皆鎬持正之薛奎領

秦州益州皆辟鎬自隨於是鎬罷益州同判還朝賜對帝問輔臣以鎬所能者奎曰鎬有文學沈鷟能斷大事願

陛下亟用之己丑命鎬權開封府推官尋卽眞江淮旱戊戌詔慮繫囚流以下降一等杖笞釋之己亥除

秀州丁身錢是春遼主大蒐太后慮遼主懷齊天皇后鞠育之恩因其出蒐遣人馳至上京弑后后曰我實無

辜天下共知待我浴而後就死可乎使者退比復至則后已殂矣時年五十因殺其左右百餘人以庶人禮葬

夏四月戊午知棣州王涉坐冒請官地爲職田配廣南牢城六月殿中侍御史冀人張存上疏言陛下嗣統以

來延納至言罔有忌諱函夏之人共思讜直自前秋詔罷百官轉對去冬黜降御史曹修古等昨又聞進士林獻

可因奏封事遠竄嶺南人心惶惑中外莫測臣恐自今忠直之言與理亂安危之幾蔽而不達因歷引周昌朱雲

辛慶忌辛毘事以廣帝意秋七月乙酉參知政事王曙罷爲資政殿學士知陝州以疾自請也攷異辛輔編年錄王曙以七月乙酉罷爲

資政殿學士戶部侍郎知陝州宋史云丁酉王曙罷誤也辛卯以門下省爲諫院徙舊省於右掖門之西先朝雖除諫官而未嘗置院及陳執中

爲諫官屢請之置諫院自此始遼主獵於平地松林八月辛丑以三司使兵部侍郎晏殊爲樞密副使攷異辛丑幸輔

今從長編與宋史丙午以晏殊參知政事遼主駐刺河源是日皇子洪基生甲寅以楊崇勳爲樞密副使戊

午詔國子監重修七十二賢堂其左邱明而下二十一人並以本品衣冠圖之 壬戌修文德殿成是夜大內火延及崇德長春滋福會慶崇徽天和承明延慶八殿帝與皇太后避火苑中癸亥移御延福宮 甲子以宰相呂夷簡爲修葺大內使樞密副使楊崇勳副之 乙丑詔羣臣直言闕失先是大內火百官晨朝而宮門不開輔臣請對帝御拱宸門百官拜樓下宰相呂夷簡獨不拜帝問其故曰宮庭有變羣臣願一望清光帝舉簾見之夷簡乃拜 丁卯大赦詔營造殿宇宜約祖宗舊制更從減省時宦者置獄治火事得縫人火斗已誣服下開封府使具獄權知府事程琳辨其不然乃命工圖火所經處且言後宮人多而所居隘其炷竈近版壁歲久燥而焚此殆天災不宜以罪人監察御史宜興蔣堂亦言火起無迹安知非天意陛下宜修德應變今乃欲歸咎宮人以之屬吏宮人付獄何求不可而遂賜之死是重天譴也帝爲寬其獄卒無坐死者 是月殿中丞河南滕宗諒祕書丞大名劉越準詔上封事宗諒言國家以火德王火失其性由政失其本因請太后還政而越請太后還政言尤顯直皆不報 九月丁亥永興軍言左衛大將軍分司西京李士衡卒士衡前後筭計二十年雖才智過人然素貪家資至屢鉅萬建大第長安里中儼若官府云 庚寅重作冊寶以舊冊寶爲火所焚也有司言冊寶法物凡用黃金二千七百兩詔易以銀而金塗之 冬十月己酉遼主如中京 十一月甲戌以修大內成蒸謝天地於天安殿遂謁太廟大赦改元是日還延福宮 己卯冬至百官賀皇太后於文德殿帝御天安殿受朝 是日遼主率羣臣上太后尊號曰法天應運仁德章聖皇太后羣臣上遼主尊號曰文武神聖昭孝皇帝大赦改元重熙不逾年而再改元猶用耶律資忠之言也 遼主以蕭薩班舊作撒班今改爲祗候郎君薩班孝穆之子也性廉介風姿爽明善毬馬馳射遼主每燕飲喜諧謔薩班雖承寵顧常以禮自持時人稱之 遼蕭罕嘉努舊作韓家奴今改少好學博覽

經史通鑑漢文字嘗爲右通進典南京栗園至是命同知三司使事 定難節度使西平王趙德明凡娶三姓衛
慕氏生元昊咩迷氏生成遇訛藏屈懷氏生成鬼元昊小名鬼理羌語謂惜爲鬼富貴爲理性凶鷲猜忍圓面高
準長五尺餘曉浮屠學通蕃漢文字案上置法律書常攜野戰歌太一金鑑訣忽引兵襲夜洛隔可汗王破之奪
甘州數諫德明無臣中國德明輒戒之曰吾久用兵終無益徒自疲耳吾族三十年衣錦綺衣此宋天子恩不可
負也元昊曰衣皮毛事畜牧蕃姓所便英雄之生當王霸耳何錦綺爲既陷甘州復舉兵攻拔西涼府至是德明
死元昊繼立延州以聞詔輟視朝三日贈太師尚書令兼中書令命度支員外郎朱昌符爲祭奠使賻絹甚厚帝
與皇太后爲德明成服苑中百官奉慰 辛卯進封孟王元儼爲荆王 癸巳以元昊爲檢校太師兼侍中定難
節度使西平王命司封員外郎楊告爲旌節官告使元昊既襲封卽陰爲叛計時改元明道而元昊避父名輒稱
顯道於國中雖貢奉然僭已萌矣初對使者設席自尊大而告徙坐卽賓位不爲屈又聞屋後有數百人鍛聲知
其必叛獨畏懦不敢言告允恭子也 丙申詔蘇州所沒丁謂莊田還給其家仍以其子前內殿承制珣爲供奉
官 是月遼冊元昊爲夏國王 十二月庚子詔以來年二月躬耕籍田先請皇太后恭謝宗廟權罷南郊之禮
其恩賞並就禮畢施行 辛丑命禮官詳定籍田及皇太后謁廟儀注始太后欲純用帝者之服參知政事晏殊
以周官王后之服爲對失太后旨輔臣皆依違不決薛奎曰太后必御此若何而拜力陳其不可太后爲改它服
雖終不納猶少殺其禮焉 壬寅以宣徽南院使兼樞密副使楊崇勳爲樞密使崇勳曲謝太后與帝言先帝最
稱崇勳質信可任大事又超遷之 壬子以太子中允安陽韓琦爲太常丞直集賢院初琦舉進士第二方唱名
太史奏日下五色雲見左右皆賀 己未上封者言比詔淮南民饑有以男女雇人者官爲贖還之今民間不敢

雇傭人而貧者或無自存望聽其便從之 庚申命權三司使李諮同盛度王隨議解鹽法天聖八年既聽解鹽通商行之一年歲入視天聖七年增緡錢十五萬明年更損九萬其後歲益耗故令諮等議之度隨皆初以通商爲便者也 是歲同判陳州太常博士范仲淹以京師多不關有司而署官賞者乃附驛上奏以唐中宗朝墨敕斜封官爲戒又屢論內降之弊 遼以蕭孝友爲西北路招討使封蘭陵郡王先是蕭革爲招討使專以威制西羌諸部多叛孝友下車多加綏撫每入貢輒增其賜物羌人以安其後寢成姑息諸部桀驁之風遂熾孝友太后之弟也太后諸弟惟孝穆位高益畏太后有賜輒辭不受妻子無驕色而孝先最爲驕橫尤用事太后姊秦國夫人早歲鬻居有醜聲太后見長沙王色嘉努舊作謝家奴今改美姿容爲殺其妃而以秦國妻之妹晉國夫人喜戶部侍郎耿元吉貌美太后從晉國之請亦爲殺其妻以晉國妻之 遼放進士劉師貞等五十七人

卷第三十九

宋紀三十九

起昭陽作噩正月盡閏逢閏茂十二月凡二年

仁宗體天法道極功全德神文聖武睿哲明孝皇帝

明道二年

遼重熙二年

春正月戊寅罷館閣侍書初光祿寺丞盛甲甫馬直方在館閣讀書自陳歲久請一貼職帝止令

大官給食候三年與試因詔後毋得復置 己卯詔發運使以上供米百萬斛賑江淮饑民 癸未鑄明道元寶

錢 壬辰女直貢於遼女直卽女真避遼主名改稱女直 二月庚子詔江淮民被災死者官爲葬祭 乙巳皇

太后服衰衣儀天冠饗太廟爲初獻皇太妃亞獻皇后終獻是日上皇太后尊號曰應天齊聖顯功崇德慈仁保

壽皇太后丁未祀先農行籍田禮禮成御正陽門大赦百官上尊號曰睿聖文武體天法道仁明孝德皇帝 三

月庚寅皇太后不豫大赦丁謂特許致仕 甲午皇太后崩於寶慈殿遺詔尊太妃爲皇太后軍國大事與太后

內中裁處賜諸軍緡錢乙未帝御皇儀殿之東楹號慟見輔臣曰太后疾不能言猶數引其衣若有所屬何也參

知政事薛奎曰其在衰冕也服之何以見先帝帝悟以后服斂命呂夷簡爲山陵使既宣遺詔閣門趣百官賀太

后於內東門御史中丞蔡齊目臺吏毋追班入白執政曰上春秋長今始親國政豈宜使女主相繼稱制乎遂罷

預政 是月溫通奇囚嘉勒斯賚於窰中而出兵收不附己者守窰人出之嘉勒斯賚因集部衆討殺溫通奇而

徙居青唐 夏四月丙申朔下詔求言刪去遺詔皇帝與太后裁處軍國大事之語 皇太后既崩左右有以宸

妃事聞者放異通鑑續編云 荆王元僞爲帝言帝始知爲宸妃所生號慟累日不絕壬寅追尊宸妃爲皇太后甲辰詔改葬於永定陵以

大行皇太后山陵五使並兼追尊皇太后園陵使或言太后死非正命喪不成禮帝亦疑焉因易梓宮帝遣太后

弟李用和視之則容貌如生服飾嚴具用和入告帝歎曰人言其可信哉遇劉氏加厚 戊申帝聽政於崇政殿

西廂 庚戌以流人林獻可爲三班奉職明道初獻可抗言請太后還政太后怒竄於嶺南至是特錄之 壬子

羣臣上表請御正殿不允表三上乃從之詔內外毋得進獻以祈恩澤及緣親戚通章表罷荆修寺觀帝始親政

裁抑僥倖中外大悅 癸丑召知應天府宋綬同判陳州范仲淹赴闕 初太后稱制宦者江德明羅崇勳任守

忠等交通請謁權寵頗盛參知政事薛奎言不遂斥逐恐階以爲亂帝不欲暴其罪狀止黜之於外 己未呂夷

簡罷爲武勝節度使同平章事判澶州樞密使張耆罷爲左僕射護國節度使判許州尋改陳州樞密副使夏竦

罷爲禮部尙書知襄州尋改潁州參知政事陳堯佐罷爲戶部侍郎知永興軍樞密副使范雍罷爲戶部侍郎知

荆南府尋改揚州又改陝州樞密副使趙稹罷爲尙書左丞知河中府參知政事晏殊罷爲禮部尙書知江寧府

卷之六
漢書
卷之六

等改亳州帝始親政夷簡手疏八事曰正朝綱塞邪徑禁賄賂辨佞士絕女謁疏近習罷力役節冗費其語甚切
帝與夷簡謀以耆疎等皆太后所任用欲悉罷之退告郭后后曰夷簡獨不附太后邪但多機巧善應變耳由是
并罷夷簡及宣制夷簡方押班聞唱其名大駭不知其故而夷簡素厚內侍副都知閭文應因使爲中調久之乃
知事由后云 宰臣張士遜加昭文館大學士監修國史資政殿大學士工部尙書判都省李迪同平章事集賢
殿大學士戶部侍郎王隨參知政事禮部侍郎權三司使事李諮爲樞密副使步軍副都指揮使王德用爲檢校
太保兼署樞密院事始太后臨朝有求內降補軍吏者德用曰補吏軍政也敢挾此以干軍政不可與太后固欲
與之卒不奉詔乃止帝閔太后閣中得德用前奏軍吏事奇之以爲可大用故擢任樞密德用謝曰臣武人待罪
行間不足以當大任帝遣使者趣入院 以權御史中丞蔡齊爲龍圖閣學士權三司使事天章閣待制范諷爲
右諫議大夫權御史中丞時有飛語傳荆王元儼爲天下兵馬都元帥者卽捕得繫獄逮及數百人齊案之無迹
帝督責愈急齊曰小人無知不足治且無以安荆王一夕三疏帝大悟止笞數人而已先是諷出知青州時山東
旱蝗前宰相王曾家多積粟諷發取數千斛濟饑民因請遣使安撫於是以前御史中丞召其在青州不逾歲也
以太常博士祕閣校理范仲淹爲右司諫仲淹初聞遺詔以太妃爲皇太后參決軍國事上疏言太后母號也自
古無因保育而代立者今一太后崩又立一太后天下且疑陛下不可一日無母后之助矣時已刪去參決等語
然太后之號訖不改止罷冊命而已 降殿中丞知吉州方仲弓爲太子中舍監豐國監初仲弓請依唐武后故
事立劉氏七廟太后見其奏怒曰吾不作此負祖宗事裂而擲之猶用是得知吉州帝以累更赦宥止薄責焉
壬戌始御崇政殿 癸亥上太后諡曰莊獻明肅舊制后諡二字稱制加四字自此始追尊李太后諡曰莊懿

五月丁卯判河南府錢惟演請以莊獻莊懿皇太后並祔真宗室惟演既罷景靈宮使還河南不自安乃建此議以希帝意 戊辰詔禮部貢舉 辛未以屯田員外郎武城龐籍爲殿中侍御史籍奏請下閤門取垂簾儀制盡焚之又奏陛下躬親萬機用人宜辨邪正進擢近列願采公論毋令出於執政孔道輔嘗謂人曰言事官多觀望宰相意獨龐君可謂天子御史也 癸酉詔太后垂簾日詔命中外毋輒以言始太后稱制雖政出宮闈而號令嚴明左右近習亦少假僭賜與皆有節賜族人御食必易以鉛器曰尙方器勿使入吾家也晚稍進外家任內官羅崇勳江德明等訪外事崇勳等以此勢傾中外又以劉從德故黜曹修古等然太后保護帝既盡力帝奉太后亦甚備及太后崩言者多追斥垂簾時事范仲淹言於帝曰太后受遺先帝保佑聖躬十餘年宜掩其小故以全大德帝大感悟乃降是詔 丙子命張士遜撰籍田及恭謝太廟記以翰林學士馮元爲編修官直史館宋祁爲檢討官既而祁言皇太后謁廟非後世法乃止撰籍田記 帝始召宋綬將大用之爲張士遜所沮丁丑以綬爲翰林侍讀學士兼龍圖閣學士判都省 六月甲午朔日有食之 壬寅錄周世宗及高季興李煜孟昶劉繼元劉鋹後 辛亥太子少傅致仕孫奭卒帝謂張士遜曰朕方欲召奭還而奭遂死矣嗟惜久之罷朝一日贈左僕射諡曰宣爽勸講禁中二十餘年討論典禮必取前代中正合法事類陳之故政府奉行無疑當真宗封禪時獨正言諫諍不少阿晚節勇退疾甚徙正寢屏婢妾謂其子瑜曰無令我死婦人手也 初以錢惟演議下禮院言夏商以來父昭子穆皆有配坐每室一帝一后禮之正儀前代無同日並祔之文詔都省與禮院議皆以爲莊穆位崇中壺與懿德有異已祔真廟自協一帝一后之文莊獻輔政十年莊懿誕育聖躬德莫與並退就后廟未厭衆心案周禮大司樂職奏夷則歌小呂以饗先妣先妣者姜嫄也帝嘗之妃后稷之母特立廟而祭謂之闕宮宜